

明史藁

列傳第一百七十四

光祿大夫 經筵講官明史總裁戶部尚書加七級臣王鴻緒奉
敕編撰

隱逸

張介福

徐舫

倪瓚

楊恒

陳洞

吳海

劉閔

楊黼

孫一元

沈周

陳繼儒

巢由以來隱逸尙矣蒲輪東帛世未或闕焉越稽襄史自詩
宗作傳而後遞相祖述其能抱道巖谷不事王侯者並表
彰於世是殆韜光而益耀歟介之推言才將隱矣焉用文之

文之是求顯也李延壽則曰含貞養素文以藝業不然與樵
者在山何異斯二說者均有旨焉明太祖用法嚴急故其時
抗志疾俗不可得致者甚衆迨中葉承平聲教淪浹魏科顯
爵頓天網以羅雋英凡父之教子兄之訓弟畢出於是苟其
抱瑋材蘊績學咸克觀國光而賓王廷矣卽或命與時違不
博一第而文采卓越亦必聲騰藝林爲時所稱若白首無聞
槁形泉石託以自傲旣無鄭朴却聘之風又鮮怯真逃名之
譽烏覩所云高尙其事者哉有明一代之詩文所采著述
足傳者已備列於儒林文苑中茲取其貞節超羣高雅邁俗
徵辟罔應衡泌自安者數人作隱逸傳餘不濫錄

張介福字子祺自懷慶徙吳中少受學於許衡一親早終遂

無仕進意家貧冬不能具夾襦或遺以紵絮不受繼介必以
禮張士誠入吳有卒犯其家危坐不爲起刀斫面仆地醒復
取冠戴之坐自若卒怪以爲異物走去介福恐人發其墓徠
廬焉士誠聞而欲致之不可使其弟往問語以無樂亂無貪
天禍無忘國家饋之力辭病且死謂其友曰吾志慕古人未
能萬一惟無污於時庶幾哉遂卒

徐舫字方舟桐廬人幼輕俠好擊劍走馬蹴鞠既而悔之習
科舉業已復棄去學爲歌詩睦故多詩人唐有方干徐凝李
頻施肩吾宋有高師魯滕元秀號睦州詩派舫悉取而步襲
之旣乃出遊四方交其名士詩益工行省參政蘇天爵將薦
之舫笑曰吾詩人耳可羈以章紱哉竟避去築室江皋日苦

吟於雲烟出沒間條然若與世隔因自號滄江散人宋濂劉
基葉琛章溢之赴召也舟溯桐江忽有人黃冠鹿裘立江上
招基而笑且語侵之基望見急延入舟中琛溢競謹諛各取
冠服服之欲載上黥川其人不可乃止濂初未相識以問基
基曰此徐方舟也濂因起共歡譟酌酒而別舫詩有瑤林
江二集年六十八丙午春卒於家

倪瓚字元鎮無錫人也家雄於貲工詩善書畫四方名士日
其門所居有閣曰清閟幽迥絕塵簾書數千卷皆手自動
古鼎法書名琴奇畫陳列左右四時卉木繁繞其外高木
篁蔚然深秀故自號雲林居士時與客觴咏其中爲人有
癖盥濯不離手俗客造廬比去必洗滌其處求縑素者踵

至瓚亦時應之至正初海內無事忽散其貲給親故人咸怪之未幾兵興富家悉被禍而瓚扁舟箬笠往來震澤三泖間獨不罹患張士誠累欲鉤致之逃漁舟以免其弟士信以幣乞畫瓚又斥去士信悲他日從賓客遊湖上聞異香出葭葦間疑爲瓚也物色漁舟中果得之扶幾斃終無一言及吳平瓚年老矣黃冠野服混迹編氓洪武七年卒年七十四

楊恒字本初諸暨人外族方氏建義塾館四方遊學士恒幼往受諸經輒領其旨要文峻潔有聲郡邑間浦江鄭氏延爲子弟師閱十年退居白鹿山戴校冠披羊裘帶經耕烟雨間嘯歌自樂因自號白鹿生太祖旣下浙東命樂鳳知州事鳳請爲州學師恒固讓不起鳳乃令州中子弟卽家問道政有

缺失輒貽書咨訪恒告以利病裨益爲多後唐鐸知紹興欲
辟起之復固辭宋濂之爲學士也擬薦爲國子師聞不受州
郡辟命乃已恒性醇篤與人語出肺肝相示事稍乖名義輒
峻言指斥家無儋石而臨財甚介鄉人奉爲楷法焉時有陳
洄者義烏人幼治經長通百家言初欲以功名顯旣而隱居
戴青霞冠披白鹿裘不復與塵事接所居近大溪多修竹白
號竹溪逸民常乘小艇吹短簫吹已叩舷而歌悠然自適宋
濂俱爲之傳

吳海字朝宗閩縣人元季以學行稱值四方盜起絕意仕進
洪武初守臣欲薦諸朝力辭免旣而徵詣史局復遣書所知
力辭嘗言楊墨釋老聖道之賊管商申韓治道之賊稗官野

秉正史之賦支詞艷說文章之賦上之人宜勅通經大臣會
諸儒定其品目頒之天下民間非此不得輒藏坊市不得輒
弼如是數年學者生長不涉異聞其於養德育才豈曰小補
因著書一編曰書禍以發明之與永福王翰善翰嘗仕元海
數勸之死後翰果自裁海教養其子偁卒底成立平居虛懷
樂善有規過者欣然立改因顏其延賓之所曰聞過爲文嚴
整典雅一歸諸理後學咸宗仰之有聞過齋集行世

劉閔字子賢莆田人生而純慤早孤絕意科舉求古聖賢禔
躬訓家之法率而行之祖母及父喪未舉斷酒肉遠室家訓
徒鄰邑朔望歸則號哭殯所如是三年鄰族爲助葬婦失愛
於母出之獨居奉養疾不解衣母或恚怒則整衣竟夕跪榻

下祭享奠獻一循古禮鄉人莫不欽重副使羅璟立社學持
養親堂延閔爲師提學僉事周孟中捐俸助養知府王弼每
祭廟社必延致齋居曰此人在座私意自消置田二十餘畝
贍之並受不辭及母歿卽送田還官廬墓三年弟婦求分產
閔闔戶自撾婦感悟乃已弘治中僉都御史林俊上言伏見
皇太子年踰幼學習處宮中罕接外傳豫教之道似爲未備
今講讀侍從諸臣固已簡用然百司衆職山林隱逸不謂無
人以臣所知則禮部侍郎謝鐸太僕少卿儲燾光祿少卿楊
廉行幾殆庶可備講員其資序未合德行可取者二人則致
仕副使曹時中布衣劉閔是也閔臣縣人恭愼醇粹孝行高
古口無二弼身無完衣處之晏如監司劉大夏徐貫知府王

弼等恒禮敬之臣謂可禮致時中爲宮僚閔令布衣入侍必
能涵育薰陶裨益睿質時不能川其後巡按御史宗彝饒塘
欲援詔例舉閔經明行修閔力辭知府陳效請遂其志榮以
學職正德元年遙授儒學訓導

楊黼雲南太和人也好學讀五經皆百遍書工篆籀兼好釋
典或勸其應舉笑曰不理性命理外物耶庭前有大桂樹縛
板樹上題曰桂樓偃仰其中歌詩自得躬耕數畝以供甘旨
但求親悅不顧餘也注孝經數萬言引證羣書極談性命字
皆小篆所用硯乾將下樓取水硯池忽滿自是爲常時人咸
異之父母歿爲傭營葬畢入雞足棲羅漢壁石窟山十餘
年壽至八十子孫迎歸一日沐浴令子孫拜曰明日吾行時

至果卒旣斂見其自外而入大笑曰楊黼先生今日纔了事也

孫一元字太初不知何許人人問其邑里曰我秦人也嘗栖太白之巔故號太白山人或曰其母娼也幸秦王而生王不敢子之或曰安化王宗人王坐不軌誅故變姓名避難也一元姿性絕人善爲詩風儀秀朗蹤跡奇譎烏巾白恰攜鐵笛鶴瓢遍遊中原齊魯南涉江淮歷荆楚抵吳越所至賦詩談神仙論當世事往往傾其座人鉛山費宏罷相訪之杭州南屏山值其晝寢就臥內與語送之及門了不酬對宏出語人曰吾一生未嘗見此人時劉麟以知府罷歸龍覓以僉事謝政並客湖州與郡人故御史陸崑善而長興吳琬隱居好客

三人者並主於其家琬因招一元入社稱菖溪五隱一元於是買田溪上將老焉舉人施侃雅善一元勸之娶乃妻以妻之妹張氏生一女而卒年止三十七琬等葬之道場山

沈周字啓南長洲人祖澄永樂間舉人材不就所居曰西莊日置酒款賓人儼之顧仲瑛伯父貞吉父恒吉並抗隱操搆有竹居兄弟讀書其中工詩善畫臧獲亦解文墨邑人陳孟賢乃陳五經繼之子學有淵源周少從之遊得其指授年十一遊南都作百韻詩上巡撫侍郎崔恭面試鳳凰臺賦援筆立就恭大嗟異及長書無所不覽文學左氏詩學白居易蘇軾陸游字學黃庭堅尤工於畫評者謂爲明世第一郡守欲薦周賢良周筮易得遯之九五遂決意隱遁所居有水竹亭

館之勝圖書鼎彝充牣錯列四方名士過從無虛日風流文彩照映一時奉親至孝父歿或勸之仕對曰若不知母氏以我爲命耶奈何平升斗祿離膝下母與鄰媼歡媼家被火無所棲周延與母居奉之若母居恒厭入城市於郭外置行窩有事一詣之晚年匿跡惟恐不深先後巡撫王恕彭禮咸禮敬之欲留幕下並以母老辭有郡守徵畫工繪屋壁里人疾周者入其姓名遂被攝或勸周謁貴遊以免周曰往役義也謁貴遊不更辱乎卒供役而還已而守入覲銓曹問曰沈先生無恙乎守不知所對漫應曰無恙見內閣李東陽曰沈先生有牘乎守益愕復漫應曰有而未至守出倉皇謁侍郎吳寬問沈先生何人寬備言其狀乃向時畫壁者也比還謁周

里舍再拜引咎索飯飯之而去周以母故終身不遠遊母年九十九而終周亦八十矣又三年以正德四年卒所作詩文書畫並爲世所愛重云

陳繼儒字仲醇松江華亭人幼穎異能文章同郡徐階特器重之長爲諸生與董其昌齊名太倉王錫爵招與子衡讀書支硎山王世貞亦雅重繼儒三吳名下士爭欲得爲師友繼儒通明高邁年甫二十九取儒衣冠焚棄之隱居崑山之陽爲廟祀二陸構草堂數椽焚香晏坐意豁如也時錫山顧憲成講學東林招之謝弗往親亡葬神山麓遂築室東佘山杜門著述有終焉之志工詩善文短翰小詞皆極風致兼能繪事又博聞強識經史諸子術伎稗官與二氏家言靡不較覈

或刺取瑣言僻事詮次成書遠近競相購寫徵請詩文者無
虛日性喜獎掖士類屢常滿戶外片言酬應莫不當意去暇
則與黃冠老衲窮峯泖之勝吟嘯忘返足跡罕入城市其昌
爲築來仲樓招之至黃道周疏稱志尚高雅博學多通不如
繼儒其推重如此御史吳牲給事中吳永順侍郎沈演等先
後論薦謂繼儒道高齒茂宜如聘吳與弼故事屢奉詔徵用
皆以疾辭卒年八十二自爲遺令纖悉畢具

史藁

列傳第一百七十五

光祿大夫

經筵講官明史總裁戶部尚書加七級臣王鴻緒奏

編撰

列女

月娥

韓貞女

諸娥

劉氏

甄氏

姚孝女

蔡孝女

楊貞女

張氏嚴氏王氏

唐方妻丁氏

吳氏

石孝女

武邑高氏

梁氏

萬義姑

祐溪貞女

郭氏

程烈婦

王妙鳳

唐貴梅王許氏

莊氏

鍾氏

方氏王氏吳氏

嘉定宣氏

龔氏

章孝女

茅氏女

王世昌妻楊氏

竇妙善

慶雲賈氏

定海葉氏女

樂平胡氏

孫氏

江氏嚴烈女

張貞婦

楊氏

張烈婦蔡烈婦

孫貞女

慈谿沈氏六節婦

沙縣張氏張氏烈女

松溪葉氏范氏

會稽胡節婦

莆田戴節婦

蔣烈婦

劉氏二貞女

丁氏郭氏

尤氏

方孝女解孝女

項貞女

玉亭縣君

劉氏楊氏

烈婦李氏

須烈婦

侯官林貞女

錢塘劉烈女

高氏

烈婦王氏

崔氏

周氏

王氏

荆媧

黃日芳妻陳氏妾李氏

烈婦姜氏

烈女石氏

汝州于氏

睢州趙氏

邵氏

江氏

大興張氏

朱氏

黃氏

胡氏

淡澤王氏

烈婦石氏

雷氏

張氏

劉氏

張氏

陶氏

謝氏

于氏

項淑美

烈婦張氏

沈氏陸氏朱氏

史之有列女其猶詩之有關雎柏舟也關雎稱好逑而柏舟
矢之死則凡後世闔門之內其處順遇變克標懿範者宜皆
為史家所錄然自魏隋而降所載皆節烈之事如范史班昭